

0360 ZB.KO DEKRETUA

Oiartzun, 2020ko martxoaren 30a.

10/2020 Errege Lege Dekretua, martxoaren 29koa, oinarrizko zerbitzuak ematen ez dituzten besteren konturako langileentzako ordaindutako baimen berreskuragarria arautzen du, COVID-19 delakoaren aurkako borrokaren testuinguruan biztanleriaren mugikortasuna murrizteko.

Lehen xedapen gehigarriak gaitzen ditu toki-erakundeak urriaren 30eko 5/2015 Legegintzako Errege Dekretuaren bidez onartutako Enplegatu Publikoaren Oinarrizko Estatutuaren Legearen testu bateginaren aplikazio-eremuan dauden langile publikoen zerbitzu-ematea arautzeko beharrezkoak diren jarraibideak eta ebazpenak emateko, funtsezkotzat jotzen diren zerbitzu publikoen funtzionamenduari eusteko.

Bestalde, bosgarren xedapen gehigarriak sektore publikoko kontratuen enpresa esleipendunen langileen egoera aurreikusten du eta araudi honetan araututako baimen ordaindu berreskuragarria ez zaiela aplikatuko sektore publikoko obra-, zerbitzu- eta hornidura-kontratuak esleitzen dituzten enpresetako langileei, baldin eta ezinbestekoak badira eraikinen mantentzerako eta segurtasunerako eta zerbitzu publikoak egoki emateko, zerbitzu horiek modu ez-presentzialean ematea barne. Hori guztia, martxoaren 17ko 8/2020 Errege Lege Dekretuaren 34. artikuluan, eragin ekonomiko bereziei eta premiazko neurriei buruzkoan, ezarritakoaren kalterik gabe.

Beraz, administrazio bakoitzak zehaztuko du zein diren, bere esparruan, funtsezko zerbitzu horiek. Martxoaren 14ko 463/2020 Errege Dekretuaren 6. artikulua, COVID-19 delakoak eragindako osasun-krisiaren egoera kudeatzeko alarma-egoera deklaratzeko duenak, ezartzen du autonomia-erkidegoek eta toki-erakundeek beren zerbitzuen ohiko kudeaketarako eskumena dutela.

Honenbestez, ebazpen honen xedea da Funtsezkotzat jotzea honako udal zerbitzuak zehaztea eta zerbitzu publikoen funtzionamendua bermatzeko jarraibideak onartzea.

Toki-araubidearen oinarriak arautzen duen apirilaren 2ko 7/1985 Legearen 21.1.h) artikulua ematen dizkidan eskumenetaz baliatuz, honen bitartez, ondorengoa,

EBAZTEN DUT

Lehena.- Funtsezkotzat jotzea honako udal zerbitzu hauek:

- Udaltzaingoa.

- Gizarte Zerbitzuak.
- Idazkaritza.
- Kontuhartzailletza.
- Ur zerbitzua.
- Funtsezko informatika-zerbitzuak.
- Larrialdiak.
- Kale garbiketa eta zaborra bilketa.
- Lan osasuna eta laneko arriskuen prebentzioa.

Bigarrena.- Onartzea funtsezkotzat jotzen diren zerbitzu publikoen funtzionamendua bermatzeko honako jarraibide hauek:

1.- Administrazio-izapideak egitea pertsonen zirkulazio askearen salbuespenen artean ez dagoela kontuan hartuta, eta administrazio-prozeduren epeak orohar bertan behera utzi direla, herritarrei arreta emateko zerbitzuak modu presentzialean itxita daude.

Aitzitik, Udalak ondorengo telefono bidezko arreta ematen ari da:

- Harrera orokorra: 943 49 01 42
- Gizarte Zerbitzuak: 943 49 05 52
- Udaltzaingoa: 943 49 33 11
- Hirigintza: 943 49 03 77

2.- Barne antolaketari dagokionez, telelanean ari diren langileak egoera berean mantenduko dira, eta Udalak honako gutxieneko zerbitzuak bermatuko ditu, telelanaren bidez ematea lehenetsiz:

SAILA	LANPOSTUA
Idazkaritza	Idazkaria: telelana/presentziala Administraria: lagun batek presentziala Goi Mailako Teknikaria: telelana/presentziala
Kontuhartzailletza	Kontuhartzailea: telelana/presentziala Administraria: lagun batek presentziala
Informatika	Informatikaria: telelana/presentziala
Hirigintza, Obra eta Zerbitzuak	Teknikaria: telelana Administraria: “ Uretako arduraduna: “ Uretako langilea: lagun batek presentziala Obra eta zerbitzuen arduraduna: presentziala Tekniko laguntzaile elektrikaria: telelana Garbitzailea: presentziala

Mendi, Ur eta Ingurumena	Teknikaria: telelana Administraria: telelana
Gizarte Zerbitzuak	Gizarte langilea: lagun batek presentziala Administraria: lagun batek presentziala Etxez etxeko laguntzaileak: presentziala
Udaltzaingoa	Udaltzaingo osoa: presentziala

3.- Udalaren funtzionamendua: ez da batzorderik egingo aurrez aurre eta, beharrezkoa izanez gero, modu telematikoa burutuko dira.

4.- Udalak kanpoko enprekin kontraturiko zerbitzu publikoen antolaketa.

Beharrezkoak jotzen diren zerbitzu publikoen funtzionamendua eta kudeaketa bermatzea aldera, gaurtik aurrera udal honen kontratuen egoera honako hau izango da:

- Garraioa: Xorrola autobusa oinarritzko zerbitzua jotzen denez aurreko egoeran bezala mantenu beharko da, garbitasunera ezarri zaion arreta barne.
- Udal eraikinen garbitasuna eta lorezaintza: oinarritzko zerbitzutzat jotzen direnez bere horretan mantenduko dira.
- Kiroldedia: aurreko egoeran bezala mantenuko langile bat eta arreta zerbitzuan beste bat mantentzea derrigorrezkoa izango da.

Hirugarrena.- Dekretu honek sinatzen den egunetik aurrera izango ditu ondorioak.

Laugarrena.- Ebazpen hau argitaratzea Udaleko iragarki-oholean eta udalaren web orrian, eta langileei honen berri ematea.

Jexux Leonet Elizegi Alkate-Lehendakari Jn.k agintzen eta sinatzen du, eta neuk idazkari naizenez, ziurtatzen.